



«Կոտայք-2013» պարարվեստի մարզային 5-րդ հոբելյանական մրցույթ-փառատոնը տեղի ունեցավ սեպտեմբերի 28-ին Աբովյանի մշակույթի կենտրոնում: Փառատոնին մասնակցում էին մարզի ավելի քան 25 քաղաքային և գյուղական համայնքների պարային համույթներ: Բյուրեղավան քաղաքը ներկայացնում էր արվեստի դպրոցի պարային համույթը՝ գեղարվեստական ղեկավար Սյուզաննա Զաքարյանի գլխավորությամբ: Մրցույթն անցկացվում էր ժողովրդական պար, ազգագրական պար, մենապար անվանակարգերում: Հոբելյանական երեկոյին ներկա էր Կոտայքի մարզպետ Կովալենկո Շահգալոյանը: Կոտայքի փոխմարզպետ Կարեն Մարգարյանը շնորհավորեց, կարևորեց համույթների մասնակցությունը փառատոնին նշելով, որ. «Միջոցառման նպատակն է հասարակայնության շրջանում միշտ պահել ազգային և ժողովրդական պարարվեստի նկատմամբ հետաքրքրությունը, արթնացնել ազգային արժեքների հանդեպ երբեմնի պատկառանքը»: Ժյուրին կազմված էր պարարվեստի պրոֆեսիոնալ գործիչներով, ղեկավարում էր ՀՀ վաստակավոր արտիստ Կարեն Գևորգյանը: Բյուրեղավանցի պարուհիները չգրավեցին մրցանակային տեղեր, սակայն կարևորը մասնակցությունն էր:

30.09.13.